

بشنجی سنه

کانون اول ۲۸ ۱۳۱۱

نومرو ۵

۲۴ رجب ۱۳۱۳

آبونه بدلی

برسنه لك الی ایکی نسخه سی نوشته
اجرتیه برابر بروجه بشنجی ۴۵
غروش استانبول ایچون اداره لك
نه دن آلیق نوزره ۲۰ غروشده

اداره خانه سی

باب عالی چاده سنده قصبار کتبخانه -
سیدر رساله یه متعلق کالاه مشور -
لیت و خصوصیات ایچون (قصبار
کتبخانه سنه) مراجعت اولونور

نسخه سی ۲۰ باره در

نسخه سی ۲۰ باره در



بشنجیه کونلری نشر اولونور فنی و ادبی رساله

(محرری : اسماعیل صفا)

بدیعه خیالیه [۱]

[۲] قوه خیالیه تجربه و طبیعتن استعاره استدیکی عناصره قارشی ایکی یولده تاثیر ایدر: یا بو عناصری ربط ایدن مناسباتی حایله محافظه ایله محاسن و کالاتک بر تمثال بدایع پرورینه قدر ارتقا ایلر؛ یا خود شو مناسبات حقیقه دن صرف نظرله عناصر طبیعی هیچ بر حقیقه توافقی اتمهین بر شکله تصور ایدر؛ برنجیسنه بدیعه خیالیه، ایکنجیسنه ابداع خیالی تعبیر اولونور.

بدیعه خیالیه ایله ابداع خیالی آراسنده یک بو یوک فرق واردر: عناصری ربط ایدن شو مناسبات طبیعی و اساسیه هر زمان نظر دفته چاربار؛ بر وجودک کالی عناصرینک بو مناسبات ایله درجه اتحادینه کوره آکلاشیلیر. بو مناسبات واجبه عناصر طبیعی مطالعه ایله تعیین ایدیلیر؛ بدیعه خیالیه ابداعات و ترکیبات ذهنیه، وجود متصورک یالکتر عناصر اساسیه و طبیعیه سیله توجید و عقلک هرشیده بر اعتیاد تصویریهی اولان بر تمثال حقیقت و کاله دوزو سوق ایلر.

ابداع خیالی عناصری مناسبات حقیقه لرینه کوره ربط ایدن قانوندن متمایزاً تبعاع ایدر: ابداع خیالی ایدر ترکیبات ذهنیه بالطبع حقیقتدن مقتبس اولابیلیر؛ شو قدرکه ابداعات خیالی ایدر روحه، وجدانه، عقله قارشی بر احتیاسی، بر بدیعه یی ناطق بر سانحه کورولمز. ابداعات خیالی ایدر عناصر انتخاب و تمیز ایله دکل، کلیشی کوزل بر طرزده

[۱] (ایده آل) مقابلیدر.

[۲] جزئی تعدیل و علاوه ایله فلسفیه اعتدال ترجمه اولونمیشدر.

صوکره ییچاره والدین او طایر.
سورونور شهیه یوق که بویله لری
کیدمهز چونکه بر آدم ایلر ی.

نه مصیبت بو اقرباجه هله
خاتمائی خراب ایدر جهله.

هپ او حایل لازق آم امید کسن
خی هیچ اوزمه دک، چالیشدک سن!

— آفرین آلق اک بو یوک ذوق
سزدن آلدجه آریور شوق

بکا - مکتبدهیم - چالیشمق فرض
ایدیم یالکتر شو فکریمی عرض:

هر صبی مستعد تربیه در؛
که مرئی ویا مریه در:

ایدن اظهار او قابلیتی،
ایدن انبات حسن نیتی.

حالم ایلر سه کسب آبادی
سنسک ای ذات محترم بادی!

بن بو وادیده بی وقوف و خبر
سنسک ای ذات محترم رهبر.

علم و عرفانه برترین رتب
بزمک ای ذات محترم مکتب:

نه بو یوک درس لر! نه حکمت لر!
اونودیلماز پدر بو نعمت لر!

گوردیکم التفات لر زائد.
سزه آتجاق اولور بو کون عائد:

شرق و ارسه .. ادعا ایدرم.
— بختیار اول چو چوق! دعا ایدرم.

حسن اخلاقی اعتیاد ایله!
خی رحمتله صوکره یاد ایله!

احمد اعلی صفا



یا بدیعه خیاله یا خود ابداع خیالیدر .

اخلاقده ابداع خیالی آنجا که ماهیتی آکلاسیکجهیه
قدر پایدار اولایلیر؛ مکارم اخلاق، محاسن
آدمیتک بر حقیقت مطلقهیه دلالت ایدن احکام
وقوانینی قارشیدند بر تأثر وجدانییه، بر احتساس
قلبییه باعث اولامایان بوکی ابداعات خیالیه نیک
بالتبع اهمیتی اولامازسده اخلاق نیک درلو
هوسات و تمایلات ایله اتحاد ایله یین آتاری آراسنده
بونو تقریق ایدمیلیمک ظن ایدلدیکی قدر قولای
دکدر . اخلاق نقطه نظرندن بدیعه خیالیه حیاتک
بر شرطیدر .

قوة خیالیه نیک حیات ایله سعادت بشریهیه
نه قدر تأثیر ایددیک هرکجه آرزوق معلومدر؛
احتمالکه بو تأثیرک بعضاً انی، بعضاً فنا بر نتیجهیه
باعث اولان اسبابی هرکس آکلاسیکاماز. مطالعه
حیات و اشیا هر فردک طبیعت و جمعیه قارشی
ناصل بر موقع اشغال ایددیکنی، بزی بونلره ربط
ایدن مناسباتک نه کی شیلر اولدیفنی، حیات
وسعادتک شرائط و عناصرییه نیدن عبارت بولوندیفنی
کوستیر؛ قوة خیالیه بوشرائط و عناصری
مناسبات حقیقه لینه کوره ترکیب ایددک عقل
بشیرک تصور ایدمیلیمه چکی بر حیات سعادت بخشانک
بدیعه خیالیه اولان تمثالی بزه تصویر ایله؛
قوة خیالیه بوراده هیجان پذیر اولور؛ بشریتک
الکعالی حسباتی، الکعلوی افکارینی کوستیرن
احوال بونک نتیجه سیدر . ابداع خیالی حیات
وسعادتک عناصرینی تصادفاً و بو عناصرک مناسبات
متقابله و مشارکسندن صرف نظرله ترکیب
ایدمیلیمسده، سوء تشکله اوغرامش بر مغزک،
روابط منطقیه سی زائل اولمش بر فکرک، خلو ذهنه

استعاره ایدیلیر؛ بوراده فکرک راجع اولدیفنی
عمومیت تجارله آکلاسیلان موضوعاته لاحق
اولور؛ فقط بو عمومیتک دلالت ایددیک وجود
اصلاً ممکن و موجود دکدر .

ابداع خیالی اشیا نیک طبیعت حقیقه سینه باقاز؛
اشیاده ماهیتک ثبوتی، فکرک عکسی متصور
اولامایان احکام و قوانینه انطباقی نتیجه سی اولایلیر؛
بونله بر رابطه عقلیهیه دلالت ایدن تصورات
بالتبع ابداعات خیالیه نیدن عدا ایدمیلیمز . بدیعه
خیالیه طبیعتدن خارج بر شی تصور ایتز؛ عقل
و فکرک قوانینه، تسلسلات فکریه یی کوستیرن
احکامه رعایت ایدر؛ تصوراتی طبیعت و حقیقه
و تجربه نیک قوانین عمومیه سینه موافق بر وجوده
راجع اولور . بوکی شرائطی حائز اولان بر تصور
بدیعه خیالیه اولایلیر . بدیهیدرکه ابداع خیالی کی
بدیعه خیالیه عاقلدن مقتبسدر . بدیعه خیالیه ده
ذکات محسوسات و مشهوداتک ماهیتی افهام
ایددیک کی، بوتون حسبات انسانیه نیک، تکمیل
مناظر طبیعه نیک ملکات عقلیه ایله تصویری ممکن
اولان الکسوک درجه تکملاتییه ده کوستیرر . بدیعه
خیالیه حقیقی دوشونور؛ بوتون بو حقیقتلر آننده
کیزلن بر حقیقت عمومیه یی اوصاف تمیزه سی
اولان بدیهه لر، کوزلنلکر ایچنده آزار؛ اوله
بر تمثاله مصادف اولورکه بدایعک، محاسنک،
کالاتک منبیه ایشته اودر .

بدیعه خیالیه حقیقت، ابداع خیالی خرافه در .
قوة خیالیه نیک موضوعاتی آراسنده مشهود
اولان تخالف بدیعه خیالیه ایله ابداع خیالی نیک
طرز استعملانده بر فرق اولدیفنی کوستیرر .
قوة خیالیه هر شیئه لاحق اولور؛ بو هر شییه

دالات ایدن برحافظه نك حسیات غرابت بحشای
كی، بویه بر نثال خیلک، احتمال كه بعضاً نظر
فرب اولان بدایع صوریه سنه الداناق ازمه
اولیه نك اساطیر و خرافاتنه وجود و برمكدن باشقا
دائماً یاس و نومیدی به باعث اولور و حیات و سعادت
بحو ایدر .

مابعدی وار

كاطم

مسنه

تربیه عقلیه

هر دورك اصول تربیه سیله احوال اجتماعیه
و مدنیه سی آره سنده بالطبع موجود اولان مناسبات
كلیه دن منبعث اولوب و قیسه اور و یاده تبدلات
مختلفه فی استلزام ایدن عین سبب، او زمانلر،
آریستوت مسلكنه قارشو، انكلتزه و سائر اورو یا
ممالكنده كافه اصول فلسفیه مبدأ اولان باقون
شورشلری ده وجوده كتیره رك اصول تربیه نك
دخی تنوع و اختلافی موجب اولمشیدی .

سزاوار تقدیر اولان شو احوال ایچنده
شایان تأسفر كه بر جوق كمهلر اصول تربیه نك
بو وجه ایله تعدد و اختلافه نظر خشودی ایله باقلا
مقددرلر، حال بوكه تربیه فی بر حسن صورته قویق
ایچون وقوعه كلن بو اعمال متعدده و متخالفه فی،
هیئت مجموع سیله، تدقیق و ملاحظه ایدنلرك،
او مختلف و متنوع اعمال ایچنده عقل سلیمه اك
زیاده موافق اولان اصول طبعیه به طوغری بر
ترقی موجود اولدیقتی، در حال كشف و اذعان
ایده جكلرنده شبهه یوقدر. اختلاف افكار مذهبه
حقنده نه مطالعه ده بوللورسه بوللسون، تربیه

حقسنده افكار و آرائك تعدد و اختلافی اصول
حقیقه ایچون اجرا ایدیلن تخریاتك تقسیم اعمال
صورتیه تمهیلانی ائناج ایدر. اكر اصول حقیقه به
دسترس اولش بولندیغمز حالده تخریاته دوام ایله
آدن تباعد ایتمش اوله یق البته بو حال شایان
تأسف كوریلوردی، لکن اصول حقیقه فی الله
ایتمك ایچون میدان قویله جق و سائنك كذا علائقی
اك مكملانی مختلف نقطه لر دن اجرای تخریات ایدن
متعدد محققلرك صرف ایلدكری مساعی وجوده
كتیر مكده و ایسته اك طبعی، اك حقیقی اصول
تربیه هنوز بو سایه ده یكی یكی میدانه كلكنده در.

شوراسی ده دقت اولغمه سزادر كه بو بایده
تخریات و تحقیقات ایله مشغول اولانلرك هر بری
حقیقت ماده به آز جوق موافق بر فكره مالك
اولوب تماماً كندی حسابنه چالشمقده و اصابتی
تأمین ایچون اتخاذ ایلدیكی تدبیره اقدام، نتایجی
اظهار ایچون تدقیقات و تبعساتنه دوام ایلیرك
جمله سی خاطره، كوكله باققسزین بكسیدكیرینك
افكار و مطالعاتی تنقید و مؤاخذه ایتمكه اولدیقندن
بو قوتلرك عموماً تركیله اك مكمل اصول تربیه به
تقرب ایدیله جكنه شبهه یوقدر. بانخصوص بو
محققلردن برینك اصول طبعیه و حقیقه دن استنباط
ایده جكی احكام، تعمیم و تجربه ایله میدان وشوچه
چجقوب مظهر قبول عامه املق، بوللورده آز
جوق بولنه سیله جك خطالر دخی ینه عین طریقلا
نهایت عموماً رد اولغق طبعی بولندیغندن بویه،
قبول حقیقت و رد باطل کی ایكی جریان طبعی
ایله بالاخره اك صحیح مسلكلردن متشكل مكمل
بر اصول تربیه میدان كله جكنه اصلاً شبهه ایتملیر.
اساساً بر فكر، یا جاهلار طرفندن قبول ایدنك،